

CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A CONFEDERACIÓN GALEGA DE PERSOAS CON DISCAPACIDADE (COGAMI) PARA O FINANCIAMENTO DUN PROXECTO ESPECÍFICO DE APODERAMENTO DAS PERSOAS CON DISCAPACIDADE RESIDENTES EN CONTORNAS RURAIS NO EXERCICIO 2023

MEMORIA XUSTIFICATIVA

A Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución Española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

A Consellería de Política Social e Xuventude é o órgano superior da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 124/2022, de 23 de xuño, polo que se establece a estrutura orgánica da Consellería de Política Social e Xuventude.

COGAMI figura inscrita no Rexistro de Asociacións co número 2003-93-2. Así mesmo, a entidade figura recoñecida e inscrita no Rexistro de Entidades Prestadoras de Servizos Sociais co número E-154, tendo por finalidade a defensa dos intereses das persoas con discapacidade de Galicia, acadar a súa real e efectiva participación social, laboral e cultural, así como a súa integración na sociedade.

A Confederación Galega de Persoas con Discapacidade leva a cabo un proxecto específico de apoderamento das persoas con discapacidade residentes en contornas rurais no exercicio 2023 contando con actuacións específicas dirixidas a este colectivo, buscando acercar as accións á persoa con discapacidade e tendo en conta a situación da contorna onde se desenvolve persoal e socialmente co gallo de conseguir o máis completo desenvolvemento do seu potencial físico, psicolóxico e social, consonte aos seus desexos e plans de vida. Os problemas de illamento e de discriminación aos que se enfrontan as persoas con discapacidade aumenta considerablemente nas persoas con discapacidade residentes no eido rural.

A Confederación Galega de Persoas con Discapacidade é unha entidade de ámbito autonómico que conta con centros de traballo nas seguintes localizacións: Santiago, A Coruña, Ferrol, Lugo, Ourense, Pontevedra, Vigo, Mos, e Medelo-Silleda. En todas elas, considerando que dende as mesmas se atenden a todas as comarcas de Galicia, desenvolverase este proxecto. En función das necesidades das persoas, os/as profesionais desprázanse ao domicilio das mesmas, con obxecto de levar a cabo, na medida do posible, as actuacións no entorno de desenvolvemento da persoa, traballando coa persoa e seu entorno familiar.

As actividades vanse desenvolver no rural das catro provincias galegas, e a Confederación Galega de Persoas con Discapacidade é a única entidade que pode desenvolver o proxecto dado o carácter autonómico da entidade.



O dito proxecto ten un carácter especializado con respecto as actuacións previstas no convenio asinado o 16 de maio de 2023 de concesión dunha subvención nominativa para o financiamento dos programas de atención a persoas con discapacidade e ás súas familias e do mantemento da confederación e das súas entidades, polas persoas destinatarias do mesmo. O obxecto é o apoderamento da persoa con discapacidade residente en contornas rurais, que teñen dificultades de acceso aos recursos, o que o diferencia das actividades financiadas pola subvención nominativa, na que os destinatarios son persoas con discapacidade residentes en áreas urbanas. A través deste convenio hai un incremento das actividades previstas inicialmente dende a entidade, para que as persoas con discapacidade residentes no rural poidan ter acceso ás mesmas.

Este proxecto goza da singularidade precisa para fundamentar a concesión directa da subvención ao abeiro do disposto no artigos 19.4.c) da Lei 9/2007, do 13 de xuño, de subvencións de Galicia, e no 36 c) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia nos que se prevé a posibilidade de exceptuar o réxime ordinario de concorrencia competitiva en base ao carácter singular das subvencións e razóns de interese público, social e humanitario, ou outras debidamente xustificadas que dificulten a súa convocatoria pública. A Confederación Galega de Persoas con Discapacidade é a única entidade de carácter autonómico que dispón da infraestrutura necesaria para a realización das actividades obxecto deste convenio. Leva a cabo un proxecto específico de promoción da autonomía persoal no medio rural contando con actuacións dirixidas ao colectivo de persoas con discapacidade. A singularidade do proxecto vén determinada polas persoas destinatarias coa finalidade de habilitar solucións ás demandas das persoas con discapacidade que viven no rural, na contorna onde se desenvolven e co obxecto de facilitarlles maiores cotas de independencia e autonomía persoal

Así mesmo, o artigo 31.2 da Lei 13/2008, de 3 de decembro, de servizos sociais de Galicia, prevé por razóns de interese público a posibilidade de subscribir convenios singulares con entidades de iniciativa social debidamente autorizadas para a prestación de servizos sociais cando por razóns humanitarias ou de urxencia social, ou ben cando pola singularidade das características da entidade, a especificidade dos servizos que presta ou a especial vulnerabilidade das persoas usuarias, non sexa posible ou conveniente promover a concorrencia pública.

Tendo en conta, por unha banda, a especificidade das características da actividade que se vai financiar por razón do colectivo ao que van dirixidas, a súa adecuación ao ámbito competencial da Consellería de Política Social e Xuventude previsto no Decreto 124/2022, do 23 de xuño, na área específica da Dirección Xeral con competencias en materia de persoas con discapacidade, as específicas necesidades inherentes ao colectivo ao que van dirixidas, e a exclusividade do proxecto, considéranse razóns que acreditan o seu interese social. Polo tanto queda xustificada a concesión directa desta subvención, en aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións.

O obxecto do presente convenio é contribuír coa concesión directa dunha subvención ao financiamento por parte da Consellería de Política Social e Xuventude do desenvolvemento



dun proxecto específico de apoderamento da persoa con discapacidade residente en contornas rurais contando cunha metodoloxía de intervención dirixida a estas persoas dende a idade temperá, de cara a mellorar ao máximo o seu desenvolvemento persoal e social e prever a situación de dependencia pola Confederación Galega de Persoas con Discapacidade (en adiante COGAMI) .

As persoas beneficiarias deste proxecto son as seguintes:

- a) Persoas con discapacidade residentes na contorna rural galega (adultos e nenos).
- b) Familias das persoas con discapacidade destinatarias do proxecto.

A elección dos lugares de execución do proxecto vén determinada pola idoneidade das instalacións, da localización dos recursos de apoio e da dispoñibilidade dos medios materiais da organización de cara a poder desenvolver as actuacións no medio rural das comarcas onde COGAMI ten centros de traballo con equipamento e recursos humanos (Santiago, A Coruña, Ferrol, Lugo, Ourense, Pontevedra, Vigo, Mos, e Medelo-Silleda). Nestes centros é onde se van desenvolver as actividades, e a onde van acudir a persoas destinatarias do proxecto.

Excepcionalmente, cando sexa necesario polas necesidades das persoas con discapacidade beneficiarias do proxecto, os profesionais de COGAMI desprázanse ao domicilio da mesma, con obxecto de levar a cabo, na medida do posible, as actuacións no entorno de desenvolvemento da persoa, traballando con ela e o seu entorno familiar tanto dende un punto de vista de necesidades como de sensibilización e concienciación social.

As actuacións que configuran o proxecto específico, dirixidas especificamente a persoas con discapacidade residentes no rural, son:

a) Habilitación psicosocial co obxectivo de que as persoas con discapacidade que viven no medio rural acaden unha vida o máis autónoma posible. Inclúe entre outras as seguintes accións:

1º. Traballo coa persoa con discapacidade e a contorna dende o punto de vista social co obxecto de adquisición de capacidades e habilidades necesarias para o desenvolvemento dunha vida cotiá na comunidade da forma o máis autónoma posible.

2º. Actividades de capacitación en competencias transversais: resolución de conflitos, habilidades sociais, xestión emocional.

3º. Apoio na xestión de recursos segundo a necesidade da persoa con discapacidade.

b) Asistencia persoal a través de actuacións de asesoramento e autoxestión. Inclúe as seguintes actividades:

1º. Análise das necesidades da persoa con discapacidade e planificación das actividades a realizar.

2º. Formación aos asistentes persoais.

3º. Dar apoio nas solicitudes e xestión da prestación de asistencia persoal.



- c) **Habilitación funcional:** desenvolvemento de actividades dirixidas a promover, restaurar ou/e manter a saúde das persoas con discapacidade intervindo sobre as características, destrezas, patróns ou contextos da dita persoa adulta e xove para lograr así a maior autonomía posible dentro dos seus intereses e necesidades (logopedia, fisioterapia, terapia ocupacional).
- d) **Información e asesoramento** en todas as temáticas relativas á discapacidade e relacionadas coa súa participación e inclusión social: consultas de ámbito laboral, de dereitos e obrigacións, e recursos.
- e) **Información e asesoramento** en materia de accesibilidade arquitectónica e urbanística.

Para o cumprimento das actuacións do proxecto relacionada na cláusula segunda deste convenio a Consellería de Política Social e Xuventude achegará cento corenta e cinco mil euros (145.000,00€) que serán imputados á aplicación orzamentaria 13.04.312E.481.1, dos orzamentos xerais da Comunidade Autónoma de Galicia para o ano 2023.

Asinado dixitalmente en Santiago de Compostela
A directora xeral de Persoas con Discapacidade
Begoña Abeijón Fernández

